

重論文齋筆錄

清

王端履輯

下

進步書局校印

新平知

PDG

重論文齋筆錄卷九

清 蕭山王端履輯

道光辛丑八月恭逢皇上六旬萬壽率土膺歡普天同慶端履宗塾秋課以一人有慶為題令作五言排律是題只須典麗喬皇頌揚得體不必沾沾關合題旨此即古人斷章取義之法諸作殊少愜心因擬作一首云錫福敷仁壽嘉祥奉一人盛逢千載會慶溢四時春望氣輝南極瞻雲拱北辰雨暘惟帝念福祿自天申臺共登熙皞郊應集鳳麟萬年延億兆九域並尊親慈榜歡騰土璇圖瑞貢珍華封齊進祝歌詠偏臣鄰

先南陔師湛深經術實事求是雖一名一物之微必博綜羣籍折衷一定所著思惟居士存稿卷帙宏富尚未付梓敬錄論石數篇輯為鄒鄭精廬藏石記登之於左

紅蟾石記

圖石徑寸餘兩面深綠似桐廬江水正面一層諸伏其上長寸而純赤猩血雞

冠莫名赫赭蓋仙人以萬斛朱沙十年伏火九轉成此渥丹耳行則龜鼈目尤睽睽餘光穿背而散為霞赤城絳霄未足方其綺麗段柯古云竈無故自濕潤者赤蝦蟆名鉤注居之此桐君藥爐中物也因名丹竈紅蟾石而繫以歌曰誰燒萬斛金丹沙

竈煙綠鎖紅蝦蟆眼光透出綠烟外。滿天化作桐江霞。

舊馬渡河圖石記

李伯時三馬圖東

坡贊其叙畧云。元祐初游師雄行邊至西河。蕃官包順擒滑羌大首領鬼章青宜結以獻。時西域貢馬。振鬣長鳴。萬馬皆瘖。來年羌有良馬。請以饋於潞國公。詔許之。將之奇為西河帥。西番有貢駿馬汗血者之奇為請。貳時為宗伯。判其狀事遂寢。私請於承議郎李公廩。畫當時三駿之狀。而使鬼章青宜結効之。藏於家。紹聖四年。在惠州為贊云云。政和以後。有蓬池生輩。題龍眠畫鬼章。牽錦膊馳各詩跋附末。錦膊馳者。蓋三駿馬之一。此石圓徑寸餘。而有萬里之勢。遠山三成其狀。混沌昆侖也有區若田。顥氣周帀其中。星噴萬點。金精陸離。疑是大敦腦兒。又有雙暈珠圓。乃河之重源。色白。匯而東注。不知其幾千里。始得一曲。兩岸目宿蒲萄。鬱紫相望。熙河也。一馬絕流而渡。其後左由胯以下在水。不得見。惟胯端形色可辨。右由鄰以上亦形色而陰白。雜毛前左可見者。鄰上同後右。右足登岸。具虎氣騰上之槩。其蹄隱躍目宿間鄰以下。陰以上。黃白相次。是真錦膊馳首似師子。銜勒宛然。一西蕃橫踞馳背。控御甚道。馳首後仰。雙耳遂為鬣掩。至其近尾本處。見若五花者焉。見若九花者焉。見若而花者焉。可謂一川雲錦。尾絕有力。河水濡其末。風涌雷鞠。聲振水外。知其大而能

掉也。西蕃奇絕。鬢髮科頭。蛇須甚口。紫眸掣雷。蒼髯凝煙。略舉馬首。師子同而顛顛。

眉目之間。皆青澱色。袒厥黃衫。大胸豁露。澗者深墨。青者出藍。是真鬼。章青宜結矣。

此馬權寄萬分。此人傀怪萬狀。殆出魯頌駟詩楚詞山鬼之外。固知龍眠駿顧而輟。

畫東坡愕對而廢贊爾。萬年太平石記此即蕃馬渡河石背也。有樹焉。臨清流拂白雲。密葉

青葱繁陰翳會。一禽棲於虬幹間。厥首赭黃。眼光如漆。宛頸而舒其喙。羽備五采。標

豔絕倫。隔岸峭石成林。參差與樹相對。黃荃畫法。蓋本於此。宋畫學嘗以萬年枝上

太平雀命題。萬年枝。冬青樹也。太平雀。頻伽鳥也。然則此樹為萬年枝。此鳥為太平

雀矣。梅花寒石記此石橢圓。直徑一寸五分。橫廣二分。寒林小景也。凍雲滿天。殘雪在地。

古梅一樹。花繁而枝斜。下為寒雀所掩。不可見。但見雀焉。白羽豐潔。雖衝寒不懼。而

睨其天全也。目光眈眈。如生。傳神在阿堵。化工勝畫工矣。引其吭若有所啄者。以糞

雪中。未知何物。疑是摩詰所畫芭蕉。或石菖蒲根耳。其味開而不合。若管夷吾謀莒

時焉。石背則白雲石繞。清江左洄。雪消水生。自斷崖間哀哀而來。如游臨臯亭下。離華

石記。此石圓而微橢。從橫皆不及寸。色淺綠。兩面各隱隱有形。正面一山。妍如華蒂。

小雅常棣。鄭箋。讀鄂不為鄂。拊謂承華。曰鄂。拊為鄂足。蓋即蒂也。晉語。衣韎章之跗。

注。各本衣作以。周官司服鄭注引作衣。附附古通用。注者屬也。韋昭云。附注兵服。自  
要以下注於附。左氏說齊山有華不注。華不即華鄂之附。不注即附注。總稱之則曰  
華不注。言此山秀絕寰中。如華蒂屬於承華之鄂。酈道元所謂單椒秀澤是也。趙臨  
波常寫鵲華秋色卷。贈齊人周草窗。叙云。齊之山獨華不注最知名。又峻峭獨立有  
足奇者。東則鵲山也。草窗未見。有詩。其題高房山畫云。何當架松廣。分我翠一壘。說  
者謂可移詠趙圖。此石鵲山在其背。山下湖光搖碧。煙波渺然。必在背面者。地勢縈  
紆。中隔北湖南浦。太白詩。固云遙看鵲山轉矣。兩山之頂。綠色尤淺而帶白。蓋涼雨  
新晴。微霜初墮。秋光撲面。空翠溼衣。秀色可餐。殆編齊煙九點。豈止分翠一壘而已。  
唐人云。清泉煮白石。此雖綠石。但秀既可餐。試汲清泉煮食之。其味當遠出白石之  
上。松雪之畫。殆無足觀。雪江記此石橢圓。長僅及寸。廣又減之。質白。雜以墨文。審視  
諦聽。則曉雪初霽。江流有聲。枯木垂藤。片帆樹杪。昔摩詰有雪江勝賞圖。又有雪江  
詩意圖。恐不能如此天然妙畫也。知雪已霽者。以月湧大江。兔魄團圓。鑒如鏡耳。左畔  
沙渚凌競。石背適當渚曲。千巖萬壑。盡在冰天雪竇中。并難辨其競秀爭流之致。宜  
子猷訪戴。不必見而返剡谿之權矣。雙鳧戲石記石形橢圓。長約二寸。有奇。廣減寸許。視

它石為較大。正面兩岸玉山對峙。清谿流貫其中。翠藻紛披。一鳬游泳於上。自頸以下。汨沒烟波杳靄間。爾雅所謂沈鳬。故不可見。其可見者頸毛擁雪。知是白鳬。急就云。春草雞翹。鳬翁濯。說文解字以翁為頸毛。今觀此鳬頸間。非特細毳茸茸。實亦豐豪翳翳。正如雨雲滃起。穠厚成叢。足為翁字解加一證矣。又其眼光射泰。喙頰啄錐。水草交而作聲。嚙嚼可聽也。谿回沙轉。有白鷺在遠灘。望而不見。其目宛頸引吭。通身如墮林粉。因蒙白鳥之稱。右腳拳曲。亦不可見。獨左脚突兀而立。爾雅釋為春鉏。蓋古時方言如此耳。說者謂行則如舂。立則如鉏。不已鑿乎。背面谿山鳬藻。大略與正面同。惟正面之鳬自右向左。背面之鳬自左向右。隨波往來。各適其性。在藻之樂。與魚同趣。任天而游。亦與道大適。此化工自然之妙。非畫家所能彷彿。老杜云。白鷗沒浩蕩。庶堪移贈斯鳬。錦江玉壘石記此石亦橢圓。廣長與鳬藻不差撮黍。合璧也。兩面皆江流貫注。派別紛歧。蓋岷山初導。澄觴而來。東逕成都。網為錦江。在錦官城外。相傳錦工織錦。濯之此江。則錦至鮮明。因命之為錦里也。此石穠豔絕麗。繡繪天成。觀其夾岸。有若遙岑者焉。有若瓊島者焉。有若元圃者焉。有若珊瑚林者焉。有若藍田者焉。有若碧岫者焉。有若紫巖者焉。有若廣崖者焉。球琳琅玕。觸目皆是。前山見後山。

足。後山見前山頂如畫。重紫玉山矣。殆郭景純所謂玉壘作東別之標者。莫名其實。

名之曰錦江玉壘云爾。

青蓮晚發  
華陰石記

有客烏帽唐裝。驢背徐行。蹠輕耳礫。喙潤目瑩。似

孟襄陽探梅雪鵲。灞橋詩思。敗後鄭五。驢鳴否否。掉尾長吟。遠山隔岸。斜月墮林。是

李青蓮曉發華陰也。

丹山鳳凰壽  
星巖石記

嘉慶甲戌涂月。予入觀還閩。舟行巖瀨。赤光燭波。

得卷石焉。厥狀如桃。赫如渥赭。一鳳陽文。圓首丹毛。修目銳喙。錦翼將翔。半在霞表。

一鳳陰文。色紫。九苞蹲麓。尾上繚蓋。雌皇也。一壽星巖際。長眉白鬚。面凍梨。耳目鼻

口。豪末惟省。幅巾緋衣。右杖桃枝。有節。仰袂微皺。指見杖間。開口笑。有小鳳依袂而

飛。文采豔麗。巾上一紅韎韐。織於芥。甚圓。光熊熊四射。巾帶左垂。雄鳳在上。雌在下。

旁多虬松。松杪一珠。朗潤仙露。石面純赤。鳥跡蟲文。皆丹篆可辨。絕頂朝日初升。慶

雲紫氣。璀璨萬狀。背有穴。弓形。月恒矣。右側之珊如琢。厓平可立。半有濤涌。碧海也。

聖德賈敷。庶徵時叙。歌舞仁壽。咸大安平。遂名其石為丹山鳳皇壽星巖云。

五色盤  
龍普陀

巖石記

嘉慶甲戌季冬之月。予得丹山鳳皇壽星石於巖瀨。既紀其事。是月之望。放櫂

蘭谿。舟人以異石告。啟牖觀水。神光陸離。亟令出之。狀若蹲鰲。偃右卧。五采皆備。其

陽崖為鼇。頸脰而廣。稍左一巖。巖峯若覆夏屋。巖際見大士焉。金軀寸許。長顏隆準。

閉目內觀梵音在口。首戴巾。俗言觀音兜者。中綴芥珠。須彌普照。袒衣千手。巾帶飄  
繁。蓮華鄂不。華如承蒂。跏趺端坐。妙相莊嚴。瞻禮者咸合掌生敬矣。循巖而東。鼈腹  
也。大海環之。珊瑚樹瓊葩。萬叢杪榦中有一龍。昂首向人。厥角雙仰。丹霞綠雲。蒸蔚其  
上。深目陰翕。甚口揚張。卿喬鼻噓之而頷。作髯垂頷下。千思千思。若髮若絲。可梳可  
數。其身蜿蜒蜿蜒。自右旋折而南。繚於巖。又盤而上。達鼈之背。又東。紫遂繞於北。鼈  
脊盡矣。過而盤見。蹲未已。鱗甲斑斕。青與黃相間也。黃與赤相間也。赤與紫相間也。  
非畫非染。非繡非刻。其爪僅一見於鼈背。一見鼈脊之盡。而左攫擎雲雨。不可捉搦。  
蓋天將使神龍呵護靈巖。是以通體盤際。在上在旁。不知幾千萬里。而莫窺其尾也。  
鼈眼似古洞。力士守之。環甲立裳。正赤丹韞。望之如火。由帶以上。赤氣縵縵。不得見  
鼈背之右。當卧所。或垤或窪。有獸焉。虎身馬首。尾如王慧。超小山而走。前足出其陽。  
後足在陰。不知是何物也。石之陰厓。即鼈背。錫名曰五色盤龍。普陀巖神奇之石。不  
二日。又獲其一。觀者詫焉。與丹山合璧。盪水辦香作清供矣。柳星記漱水之頻。得片石  
焉。高五寸許。橢上中廣三分之二。下半之厚。不盈寸。沈於盆。色如翡翠。二柳在面。背  
星眊眊。天有星名柳。因名柳星石。為硯屏綠涵墨外石面之柳。高與石齊。榦若纖腰。

娜何而上。柔條臨水。風度依依。南浦銷魂。不減渭城朝雨。有綠牡丹。娉婷柳下。葉韡綠雲。並含綠萼。繁星照之。夜光懸藜。疑此花身是綠珠矣。背微凹。旁若斷岸。岸側楊柳一株。凌波而過。隔岸成陰。新綠參差。垂絲旖旎。一鉤殘月。斜挂梢頭。令人憶西湖春曉。

仁和趙寬夫。坦性情敦樸。襟懷灑落。熟於唐宋古文流別。故其為文亦懿茂老潔。嘗與予晚登吳山。每遇懸崖峭壁。必手自撫摩。恐有南宋人刻石。道光辛巳。保薦孝廉方正。賞六品頂帶。余往見之。至則扶杖出迎。肅衣冠相對。轉無少時。直率氣象。余笑曰。人言廉吏不可為。而可為。余當作一轉語云。孝廉方正可為。而不可為也。又有孝廉方正某者。鄉試入場。將空號板片盡運入已號。後至者無所得。向某索求。斬勿與。後至者曰。君是孝廉方正。何乃爾耶。某脫然曰。孝廉方正不過是出身階耳。豈實事耶。正可與趙相對。

寬夫雖以古文名家。實則湛深經術。故特錄其釋經數篇。知其非空談義理也。○春秋異文解。三傳釋經。為例不同。其說自異。至經文同出孔子而亦多互異者。公穀率多假借字。間或雜以方音。由是參錯迭出。今即其紛糾者。一一疏通證明之。如隱八年盟于浮來。公穀作包來。案鹽鐵論毀學篇。昔李斯與包邱子俱事荀卿。漢書楚元

王傳浮邱伯者孫卿門人包邱即浮邱一聲之轉耳禮記投壺若是者浮鄭注浮或作匏說文枹從木包聲漢書酷吏傳枹鼓不絕蕭該音義引字林音浮此浮包通轉之明證十一年公會鄭伯于時來傳云公會鄭伯于邾杜注時來邾也安陽縣東有釐城案來古音釐時來之合言為邾故傳作邾至釐城之釐又邾之假音也儀禮少牢饋食禮來汝孝孫鄭注來讀為釐漢書劉向傳引詩貽我來牟作飴我釐麴陸璣草木疏云萊藜也此本韻訓也說文萊蔓華爾雅作釐公羊隱五年傳登來之禮記大學注引作登戾之是知公羊作會鄭伯于邾黎蓋假音字僖二十一年經會于孟公羊作會于霍穀梁作會于雩案白虎通巡狩篇南方為霍山者何霍之為言護也言太陽用事護養萬物也崔靈恩三禮義宗云南嶽謂之霍霍者護也是霍與孟雩音相近也故公羊作霍若顏氏家訓書證篇吳人呼鏹字為霍字亦足借證也文二年盟於垂隴公穀並作垂斂案易繫辭云不封不樹虞翻注穿土稱封封古窆字也禮檀弓云懸棺而封鄭注封當為窆喪大記凡封用綽去碑負引鄭注封周禮作窆窆下棺也此封或皆作斂此方音隴斂相通之明證文十一年經楚子伐麇釋文麇九倫切公羊作伐圖案禮記王制篇制三公一命卷鄭注卷俗讀也其通則曰哀釋

名釋首飾篇。袞卷也。畫卷龍于衣也。說文圖從口從卷聲。是圖字與九倫切之禳字音正相近。宣十五年經。仲孫蔑會齊高固于無婁。公羊作牟婁。案列子黃帝篇。列禦寇為伯昏無人射。釋文無莫侯反。禮記郊特牲篇。毋追夏后氏之道也。釋文母音牟。是方言無有牟音。故公羊作牟婁。宣十八年經。楚子旅卒。穀梁旅作呂。案國語周語云。昨四岳國命為伯。賜姓曰姜氏。曰有呂。謂其能為禹股肱心膂。以養物豐民人也。韋昭注。呂之為言齊也。是呂旅音同義通也。哀十年。薛伯夷卒。公羊夷作寅。書堯典寅賓出日。釋文寅徐邈以真反。又音夷。舜典夙夜惟寅。釋文寅如字。徐音夷。案夷與寅古音不通轉。古方音則通。廣韻既收寅入真韻。復收寅入脂韻。亦因方言而兩收。然則公羊作寅。殆讀寅為夷耳。若宣十一年經。楚子陳侯鄭伯盟于辰陵。穀梁作夷陵。是又讀辰為夷矣。凡若此類。或古字假借。或古音通轉。或間以方音。鄭康成云。其始書之也。倉卒無其字。或以音類比方假借為之。趣於近之而已。殆謂是歟。○論語過位解。包咸注。鄉黨篇過位曰。過君之虛位也。釋者以為門屏之間。顧中庭之左右。謂之位。門屏之間。謂之宇。見爾雅釋宮。不當混宇為位。或又釋為外朝之君位。而堂為治朝之堂。然古者朝無屋。治朝亦宜。然安得有堂。案曲禮君子式黃髮。下卿位。鄭

注卿位卿之朝位也。君出過之而上車。入未至而下車。孔疏云。卿位路門之內。門東北面位。故論語鄉黨云。入公門。又云過位。色勃如也。注過位謂入門右北面君揖之位。此所引乃鄭氏之論語注。然則鄭釋位為卿位矣。左氏成六年傳。韓獻子將新中軍。且為僕大夫公揖而入。獻子從公立於寢廷。此寢廷為路寢之廷。則孔子所登為路寢之堂。或曰。禮文王世子篇云。公族朝于內朝。孔子非公族。何以非燕非射入內朝。曰。周禮太僕掌內朝及諸侯之復逆。其小臣掌三公及孤卿之復逆。鄭司農云。復謂奏事也。逆謂受下奏。諸侯之燕朝當亦然。孔子殆因復逆而燕見爾。故士相見禮疏引鄉黨云。孔子與君圖事於廷。圖事於堂。且孔安國注復其位云。來時所過位也。益足證位為卿位矣。

道光辛丑歲將暮矣。家恭甫弟避地金華。無以餞別。率成四絕贈之。云白髮憐予種。種何。那堪風雪聽驪歌。送君一棹蘭谿去。猶勝微霜喚渡河。日月匆匆等擲梭。此行未免悵離多。相期一歲一相見。切莫聽琴爛斧柯。少年劍佩玉璫璫。老去光陰逐逝波。如此情懷真太惡。一杯酒更勸君何。水驛山程次第過。一肩行李笑無多。篋中剩有遺書在。留與挑燈校字訖。後聞但令詰嗣子。敬拔萃。慈奉母以行。而已獨留故宅。

又依前韻作四絕以慰之。云聞說行踪未定何。戀聽漁唱厭樵歌。西頭依舊東頭對。雞犬圖書隔一河。耕有鋤耰織有。遣將兒女別離多。老夫獨住三間屋。伐木從誰假斧柯。道學從今又切磋。生平閱歷慣風波。琴書典盡無長物。縱有萑蒲奈爾何。去去行程水陸過。鄉關回首望雲多。郎君且自寬懷抱。消息傳來半是訛。

論語侍於君子有三愆。章釋文引鄭注魯讀躁為傲。今從古荀子勸學篇。故未可與言而言謂之傲。可與言而不言謂之隱。不觀聲色謂之瞽。是荀卿從魯讀也。陳仲魚曰。魯讀也。

為傲者未與言及而先自言之是以所知傲人與猶以也。未可與言猶云未可以言也。繫辭傳曰。躁人之辭多。故鄭從古作躁也。

也。言未及故未可以言。可與言猶云可以言也。古與以字多通用。史記袁盎傳。妄主豈可與同坐哉。漢書與作以。貨殖傳。智不足與權變。勇不足以決斷。仁不能以取予。或言與或言以。是與即以也。

海寧俞筠莊寶華字蓮石中嘉慶庚午科副車。與余為同年生。少以詩文受知阮相國師。

然恃才傲物。嗜酒放誕。人咸畏而避之。遂至窮無所遇。鬱鬱而歿。先君嘗曰。筠莊之為人。其遇可矜。其才尤可惜。故作哀辭以憫之。蓋紀實也。海寧俞君蓮石。負雋才。承

尊人潛山翁家學。端履案。潛山翁名思謙。篤行君子也。嘗見其解朱子刊去孝經數百字。解云。朱子疑孝經引詩非經本文。而其餘亦尚多可疑者。因

刊去大雅曰無念爾祖以下數處共二百餘字大儒卓見原非後人所及惟考漢書  
匡衡傳衡疏云大雅無念爾祖事修厥德孔子著之孝經首章蓋至德之本也是朱  
子所疑後人贈入者正漢儒為文章操筆立就尤工於詩高華亮拔情深而文明以  
所謂孔子著之首章者

貧故出游所至達官貴人文學之士無不延譽羅致補州學生歲科試輒高等累不  
得志於場屋嘉慶庚午鄉試中副榜潛山翁老思得祿以養投牒就職州判志進取  
久之未謁選丙子十一月病牒卒年五十七君瓊偉博達不屑就繩墨喜談議酒酣  
以往論學術源流人物臧否古今事成敗得失風發泉湧間雜諧謔往往傾其座人  
不當意望望然去之見君子周旋中禮竟日不失辭色以此知君之器識深而託迹  
以自溷也夫以君之才居著作之任必能雍容揄揚達情宣德即膺處繁劇治簿書  
錢穀雖不盡所蘊蓄幸稍自發舒尚不至頽放湮鬱以至於死古人言得一知己可  
以無恨當世有道德居尊位氣力足以援引者皆知重君而君之所就止於此蓋  
國家登選之制極嚴公卿大人不能私其所厚而君之安義命而不為說遇亦可槩  
見矣君死無錫秦侍郎瑞履案侍郎名瀛號小傳之某故為之辭以述其意以慰潛  
峴官杭嘉湖道最久山翁之思曰情足以盡其才兮才足以達其情行不必掩其言兮言不必正其行清  
亦濯足兮濁亦濯纓吾孰知其志之所貞吹之不枯兮噓之不生吾孰測其意之所

成繫中情之沈默而不得見兮。羣傾耳於論說之皦皦。予嘗與之錯規矩而就禮法兮。然後知其量之冲而不盈。嗟乎。謂君遇之達兮。不能偕鄉貢之士鼓簧而吹笙。謂君遇之窮兮。所與交臂而促膝者。皆當世之名公鉅卿。窮不足君戚兮。達不足君榮。所可自信者。歿世而稱名。彼感舊之什兮。胡以為不平之鳴。

筠莊歿後。詩文無人收拾。零落殆盡。予搜得數首存之。○游南屏。觀司馬公摩崖隸書。南屏洞天春雲稠。尋碑客向丹崖游。蛟龍盤拏波磔老。健筆直與東京侔。響榻悔失攜竹膜。但覺眼度驚清遒。草窗著論異吳葉。疑題涑水知誰留。公侍親闈判府事。總宜一棹曾杭州。趨庭綴目尚年少。那遽石墨垂山陬。中興宣刺事或有。秘府清玩光堯搜。長編資治已進御。法書五卷重雕鏤。石經太學兩輝映。自謂文治光魯鄒。豈知金縢索歲例。偷安半壁非良謀。惜哉和議信長腳。浙臉符夢忘同仇。三經之文試進講。致堂經幄應含羞。摩崖誰人有深意。憂憂珍並琳琅現。南渡宰輔得公侶。中原未必竟沈浮。讀碑如見公忠義。凜凜生氣來雙眸。程蔡梁鍾古能手。精神魄力難公儔。一字一拜心一沉。直欲變化如潛虬。長逐雲峯瀚不散。爪痕攫石懸崖秋。○鷺詞。禁忌湖杭約略諳。桑陰深處燕呢喃。遠來客訝新鄉俗。帖改宜春寫浴簷。○推綠環。

村春晝長。販鮮人到。價爭昂。篋衣可典。愁難遣。忍斷香粳。莫斷桑。書成淮海。問如何。  
浴種纔看穀雨過。最是江南三月半。驚愁暖少。來愁多。○擬曹堯賓小游仙詩。金磬  
聲圓度綺牕。步虛初罷。珮琤琮。上元小女。嬌猶昔。唱出青詞。別有腔。問訊青溪道士  
居。黃庭誦罷。意何如。珊瑚結網。逢雙鯉。接得琴高一紙書。銀漢無聲瀉。玉鋪舟乘蓮  
葉。訪黃姑。匏瓜落後。星光冷。補向天街。種白榆。夢入仙宮。賦曉寒。黃金為屋。玉為欄  
杆。波箋上唐人句。記得銜名署彩鸞。焚香鄂渚。記同舟。交甫江皋。解珮游。一樣眉間  
認黃粟。玉娥雙髻。早經秋。○春草。芊芊生意。莫教刪。飛絮閒庭。盡日閒。乍引庾郎盤  
馬去。好催謝客。夢詩還。可堪細雨。春如霧。卻拂征袍。淚有斑。料得江南。青已遍。幾人  
共汝。閉柴關。一年一度。到天涯。春雨春晴。感歲華。潛引風光。來窄徑。早移暝色。上輕  
紗。何人拾翠。憐雙葉。作意搖青。待落花。雨露即今。開萬里。不須芳冢。問龍沙。

寧波為古甬東地。賈逵曰。甬東。越東鄙。甬。江東也。韋昭曰。句章。東海口外州也。史記

索隱曰。國語。甬。勾東。越地。會稽。勾章縣。東海中州也。按今鄞

震澤本史記誤作鄞

縣即是其處

元和。蔣蔣山。徵尉有甬東詠古八首。格律雄健。隸事精審。為備錄之。蟻關紛紛浪自  
誇。至今舊俗尚繁華。空留君子六千戶。猶記甬東三百家。海外風濤多島嶼。夢中軍

士半蟲沙。夫差瞋目無疆滅。又見東甌走傳車。回浦章安劇變邊。孤城築後少烽煙。  
是誰陽朔更州治。不信孫恩號水仙。漢代尚傳南部遠。晉家失計一隅偏。三江口外  
頻防禦。故轍齊梁豈偶然。改郡開皇自不同。恩恩唐室廢興中。幸看巨寇干戈戢。得  
見遺氓賈賤通。漢口森嚴安巨鎮。鄞江守護託奇功。千年府治從茲定。奏稿分明憶  
薛戎。武肅英風拓土疆。鎮名底事自朱梁。凡泥獨力支盤壘。鐵弩餘雄及大洋。航海  
建炎心瀕洞。關心德佑事興亡。東錢湖畔增惆悵。史相顏祠尚夕陽。鉅險黃巖起國  
珍。醢徒何意有經綸。十年竊據分諸縣。一道降師散浹旬。金盞山深狼露靜。石蟬門  
黯海舟淪。可憐血戰慙吳楚。枉受元封員此身。信國舟防老將才。三時分哨合巖哉。  
何期中葉經倭入。復見南塘備海來。烽影礁生螺髻嶺。礮聲潮湧碇江臺。舟山本自  
稱天險。銷鑰無端為寇開。招寶巖前番船過。蛟門控扼竟如何。七場鼉鼉新丁盛。四  
所軍營舊衛多。海月江珧都入市。浹湖南浦盡通波。居人指點靈山岸。一髻烟中見  
普陀。蛟宮蜃市出危樓。千里驚潮一郡收。風挾剛威來颶母。山盤遠勢自台州。天封  
塔古唐碑廢。阿育王室梵迹留。此地海東門戶重。壯懷不僅為清游。

予嘉慶甲戌會試出桐城姚伯昂師元之門下。後撥入儀徵汪小竹師全德房中。師